

試應曰身榮不如親榮竟不歸父除濰縣尹隨之任九閱月父卒備極艱辛數千里扶輿歸至家即葬或議其速乘殷曰時不可知但早貽親安耳越二日流寇突至過其門曰此孝子家也不可入姊適李氏早寡生子無依乘殷養教周悉庚辰大饑族中有不舉火者殷曰誰非祖上之遺萬一莫保我何以謝先人悉均所有立勸善會擇鄉之有德者月一會善則褒不善則匡六子一姪列上庠者三登賢書者一呂養正字太始廉靜醇雅遇人渾渾不見圭角以孝友聞兄養化爲官事所累捐五百金助之由監生授掖縣丞民愛其仁號曰呂佛轉徐州經歷致仕歸年八十七卒子五人能世其家人以爲盛德所格

耿再成邑生員崇禎八年流寇將至父櫬在鄉未葬痛哭守之不忍去賊至不入其門人以爲孝德所感知縣李在公以孝行請上旌之免其差徭入忠義祠

王思孝邑民父堂早卒母劉氏育五遺孤各底成立思孝痛母氏苦左右就養不遺餘力及卒廬墓三年鄉人稱之入忠義祠

長葛縣志

卷九

十五

韓 槃邑民父卒時方二歲稍長痛母苦節事之甚謹凡物母未入口不敢先嘗母死營葬如禮子五人俱有秀才

王自貴邑西南鄉民族世單寒闖賊寇亂與父俱被執賊令父子同在軍者殺自貴諱之伺隙曳父逃歸時地皆荒蕪又無耕具自貴掘土播種以養父母母亡事繼母尤謹承顏順志以悅父志繼母生弟自賢父亡時尙在襁褓事母撫弟倍篤於初繼母臨終囑自賢曰爾兄當尊禮事之勿視爲尋常兄弟也

王 慎字含之任內鄉教諭天性孝友行誼端方庚辰大疫罹者多死二親病貧不能延醫呼天號泣祝以身代相繼並愈明年城陷賊令凡逃而復獲者死不赦慎不顧逃出尋見父母身竄荊棘體無完膚負之而遁外寇甫去土賊蜂起慮親老不能遠遷隱於幽僻處拮据奉養雖危難之時問視定省不少廢時留境者多爲賊害獨慎獲全皆以爲純孝所感

張希堯字景唐資性英敏幼喪母賴祖母尙氏鞠育家貧學業未成父貿易於外年久

未歸希堯年十五奉祖母命孤身尋父備歷艱苦遇寇被獲泣以情告寇奇其幼孝釋之二載與父同歸鄉黨稱義後年四十無子頗以爲憂慰之者曰天道不爽仁人豈無後乎果聯舉三子廷璧廷琇廷珪皆庠生

張惟忠字孝全敦行孝友父年八旬中疫侍左右衣不解帶者五十晝夜父沒即遭大亂奉繼母避難河朔流離時定省必勤從弟子陴幼孤愛若同胞亦耿介尙義

夏廷美母病服藥不效割股進病尋愈

羅山性謹厚母病不離臥側號泣籲天願以身代爲嘗糞母病忽愈咸謂至孝所感年九十九卒子文光博野教諭孫萬善白水知縣

車明興號整雲幼聰慧善圖山水人物名聞海內惟未見南方水牛乃裹糧往觀又寫風雨閒忙四景逼肖焉又有百牛圖世以爲寶明興生甫一月即能言嘗自稱爲呂紀後身其畫不假師授蓋得之天性云二子寵富俱中正德癸酉鄉試

劉功隆慶間木工也賈莊人多巧思製器新異率出心裁凡名郡修建鉅工多聘之

長葛縣志

卷九

十六

惜年不永製木驢能旋磨

張英正統三年捐粟一千五百石賑濟貧民有司請旌表其門入忠義祠

尹長壽天性仁愛慷慨好施歲大饑捐粟一千五百石賑濟時賴以全活者無算當事聞於朝立義民坊以旌之恩賜二子入監讀書長子寬有父風亦捐粟一千五百石又建義民坊於西關

張守良字小田好善慕義募修城隍廟及元真觀勒石時求不列己名常曰存心自有天知行善何必人見貪天爲功有愧清夜邑令重之充鄉飲賓者九次子三範孔宗孔承孔臨終召三子命之曰我死不願美棺槨豐祭葬但願爾等兄友弟恭勿因一塊土而割百年愛即爲孝子矣兩兄知父屬意在弟曰唯命及葬凡房產婢僕美者盡推之弟弟亟讓兩兄遂遷於別居邑令汪公旌其門曰孝友世家範孔博學善文辛巳死難妻邢氏苦節教子不墜家聲

張承孔字玉伯恩貢生魁梧奇偉聰慧過人凡山水林物寓目成文弱冠遊庠蠲義地

十畝以贍族人

陳 鉞其爲人散朗侗儻有雅量輕財好施邑東置地二頃給貧民耕種不索賦租鄉有貧不能舉喪者助財捐地葬焉年九十步履若壯年子中美以廩貢授光祿署丞孫經略以明經歷官教授皆年八十卒

車 瑄建德府儀賓教諭陽亨子也遇歲荒捐粟一百二十餘石賑饑母死哀悼過禮遂繼亡

張雲閣字貴軒爲人謹厚愿慙不知書好施濟有急者輒餽飼之不告姓名明末盜蜂起唐六聚衆東鄉雲閣鄰也雲閣善遇之唐衆信服每殺人閣必力解解不勝輒密賄其卒使脫之所活甚衆然亦未嘗自以爲德前志贊之曰苟合取容者或同其流汚否則自殆閣不惟不自殆且能援人殆以視不能援人卒至自殆且不免流汚者於戲閣不獨異於不知書者也

王 宣仗義重節守法奉公隆慶四年間縣學改建而道路患隘宣捐己宅基廣之

長葛縣志

卷九

十七

李毓桂字萼巖郡庠生素行敦厚親黨貧乏者悉賴其周濟歲凶作粥賑濟施綿衣數百件鬻產以供其費時大疫延醫施藥又建老龍等橋爲善不倦有司額其門曰作善必昌入忠義祠

孟 存字默齋性謙和未嘗言人過施不望報有鬻妻者給資使完聚子良屏登丁卯賢書

楊慎成邑庠生明季流寇紛擾捐金築石固寨一方賴之建祠立碑巡道沈公荃爲之記

黃 鍾號草溪幼失怙恃以服賈起家事繼母以孝聞施義井義塚捐修學宮周孤寡助婚葬無算舉鄉飲賓壽八十有二子家賢靈臺主簿家才青城令孫朝宣朝聘朝薦皆入科第

陳 鑑嘗於間拾銀七兩頃有澤州牛客召尋驗實還之客分銀以酬竣卻不取夏茶冬粥濟人尤衆

呂 璞輕財好施遇荒減糧價以濟貧乏無德色南門外創石橋一座又掘義井
孫 章侍孀母以孝聞建溪水石橋一座給粟施棺周貧恤寡又修觀音東嶽龍泉等
廟人皆義之

張煥斗字彬魯天資淳茂儀度端方少受業路明忠篤志好學不求聞達高情逸韻老
而益篤杜門却掃日與二三弟子講論史傳自究於心之所安而不求合於流俗雖
賓朋雜沓議論蜂起獨若有傲岸不屑之韵見諸歌詠洪博淵深年八十九卒

花隱王玉璣者字標五其先許人居葛之石固鎮家世耕讀璣生有異質少補博士弟
子員尚氣節重然諾人以此稱之明季羣盜蜂起與鄉人結寨固守散貲財以贍貧
乏率子弟晝夜巡警寇莫能攻及汴城破賊四出剽掠聞知璣名先以金帛賂之欲
羅致爲用脫身走河北賊劫其妻子李氏以搆璣李氏罵賊死賊並磔其二子事平
歸家痛禍亂之相尋感變遷之靡定絕意聞達足跡不入城市築園於其鄉臺池院
落委曲崢嶸蒼松翠竹掩映於左右雜以名花怪石森秀階除爲棲息地性尤愛牡

長葛縣志

卷九

十八

丹於幽曠處悉爲栽植株以萬計地以頃量極天下艷色奇品人所稀覯者不下百
種當花發時雖天章雲錦不足以擬其麗也自始放至於爛熳璣不能頃刻暫離清
露晨流香風夕舉嘯咏盤桓輒有欣欣自得之狀花隱其自號也人來賞之者必歛
接流連朝夕不倦倘有採摘將去頗有吝色既工培護加之珍惜故數十年來能保
其繁盛昔楚越未靖車騎往來有惡少年以放馬蹂躪恐之挾其多金亦不甚惜及
登耄耋艱步履子姪輩結籃輿昇之每日遊行花間周覽歎賞戀戀不忍捨去沈宮
詹繹堂分巡梁許間偶過其園深相賞識呼璣與語見其童顏鶴髮尤敬異之稱爲
牡丹主人名其園曰樂志其地遂爲中州名勝凡薦紳往來過此者必造請談讌以
名篇佳詠相贈賂者不一米太史漢雯知長葛時有加禮焉壽百歲卒子七人皆庠
生長之珍能世其業有聞於時

邢國輔里有人因醉遺金道中輔拾之儉歸家酒醒疑妻藏之妻欲赴井死輔知即歸
金其家夫妻愧謝鄉人義焉

崔 山南門外倡建石橋一座今河道雖塞石橋猶存

張廷珍張大會俱散官嘉靖間各捐三百金助遷學宮兩院俱有獎額入忠義祠

張 引捐住基廣學射圃亭即其地也又重修戟門撫軍戴公給以崇儒重道之額

洪克恭改建儒學艱於工費一時未就克恭捐財助修且施藥濟人

張 紵捐貲建石橋三座在董村店有司表其義

呂養化字海鯤服賈起家輸粟百餘石賑貧有貸而不償者聽弗校

趙邦彥葛西里民性慈好善明季屢值凶歲施財施粟全活者衆又爲粥以濟流氓並

給衣邑令旌其門曰激勸維風

李 起號鳳颺天性孝友嗜學好古有盛名者四十餘年以明經授鎮平教諭調濟源

教諭居鄉謙謹人皆愛慕之闖賊陷城被執賊詢諸輿論咸誦其德遂釋之後累舉

鄉飲大賓年逾九旬童顏善飲仲子應運領鄉薦諸孫皆爲一時聞人五世同堂壽

九十二而卒

長葛縣志

卷九

十九

孫 文邑民四世同居家人計百餘口文總理家政不事私產訓子弟以禮子弟亦交

愛敬之有司特重其義屢舉鄉飲其妻魏氏最有淑行文死魏亦不食而死鄉人並

賢之各有贊子世光孫一元俱庠生有文名兼有行誼邑人稱孫氏家法入忠義祠

祠內木主文字書作友阮志何志亦然非是徐志書
作文今從之前年立各祠神位鐫石記已改正之

許名標字望魯性敏悟學博養邃足跡不履城市壽八十有六

清

冀養浩字景孟癸正歲貢生性剛直好義樂施其周給貧乏扶持幼孤多不勝書明季

遭亂避難河北宗族百餘人俱爲土賊唐六等屠滅及亂後歸家奮身鳴之法司捕

渠魁悉正典刑歷南陽葉縣寶豐光山儒學教諭所至文教振興當事奇其才委署

桐柏縣知縣有惠政卒於官

左輔英順治初拾遺金二封於道失主尋覓廉其數符慨然還之

王祚增字益吾九江府德化縣主簿好施濟設義學里黨子弟賴成就者衆明末大饑

施粟贍貧祚增嘗患危症父老百餘人代爲祈禱尋愈年七十八卒子二長朝興庠生

李鈞衡字銓甫邑庠生性恬淡仁讓族叔某占其產可值百餘金不與爭後某負官債逃鈞衡售產償之族有三歲遺孤撫養如己子族有絕墳皆爲祭掃巡糧道沈公荃旌之曰舟楫宏才子四重素辛酉舉人重質太學生重本府學生重樸

胡加棟字雲樓府庠生兵燹之餘邑乘無存前令徐昇欲爲纂修文獻莫徵茫無措手棟知舊本所在捐二十金購諸舊令陝西李在公家邑之前言往行不致泯滅加棟力也

張仔觀字光生太學生尙義樂施前令米漢雯遷建學宮苦無善地仔觀捐地基一區值百金換生員張勳居宅今尊經閣前至泮池即其地

朱良臣宗族鄉黨有婚喪急難不待告輒周善邑人德之縣令許連峯達於上巡撫雅錫以濟困扶危額其門又將善行列入彰給錄頒行通省

長葛縣志

卷九

二十一

黃之鳳字九苞性廉介家徒四壁淡泊自適寄情詩酒從叔朝薦卒子光祚光裕俱幼之鳳身爲延師課之成立悉以產業歸之絲毫無欺兄之彥死亂子法憲尙在襁褓調護不啻己子年七十四卒

李養才性好施歲饑賑粥舉爲鄉飲賓上官以人倫雅望額其廬享年八十八

張于七字復一號梅巷順治甲申拔貢天性慈祥見善必爲拔貢例補州縣官于七因父母年高難離膝下弗就堂弟于京于畿俱早死家貧子幼凡喪葬嫁娶諸事皆于七給之邑紳邢爲樞構大訟將議徙兵憲公止此一子不忍坐視乏嗣數赴京師周旋自備川貲往來不下數百金庚申歲選山東汶上縣知縣里長王文進因失官糧三十石貧不能償將鬻妻憐其爲公事破家給金代償子四軒連俱貢監生候選縣丞長軾歲貢生任羅山縣教諭次與例貢生任盧氏縣訓導俱有文名

李守初字善存清初人獨捐貲創修顯慶寺二佛殿又施地四十畝現有碑可考

張 瑤字玉亭乾隆十三年施李寨西雲寺地二十畝有碑可考

孫得彩乾隆三十八年創修小黃橋民不病涉同治八年橋圯太學生名繼先者其初孫也重修之躲軍寨東汙下爲新許大道而地勢汙下繼先復募貲捐款創建石橋他若唐家橋李家橋孟家橋及許境之王家橋無不助貲重修

劉士華字國卿乾隆五十一年歲饑竭力賑濟人樂道其事故其村即名劉士華劉逢吉太學生櫻劉村人設義塾施田二十畝程中丞旌其門曰誼周周塾

李 椿獨搭李河口草橋三次邑侯唐公旌其門曰樂善不倦

李 璽字君玉捨茶三十餘年邑侯孫公旌其門曰品重圭璋

尹萬木字盛林太學生子鐸字振遠號紹曾庠生邑城隍廟摧壞工甚鉅萬木首出重貲倡其事年餘工竣又獨施玉爐鐵池數事天錫寨前李家橋爲往來通衢年久將圯鐸慨然重修獨任其事種蔓菁於村外冬月資人採食數十年如一日他如冬施衣夏施茶助婚葬施藥餌尤不勝書

時 坤字振乾太學生曾於木村之西建塾延師以訓貧家子弟施地三十畝作常年

長葛縣志

卷九

二十一

經費城內東北隅壽寧寺傾圯獨力重修計費貲千餘緡邑人顧世燾爲之記

周東江字底定太學生邑東南斧頭村人性慈好施乾隆五十一年歲凶捐粟六十餘石賑濟村鄰饑民嘉慶十八年歲饑亦如之全活無算重修淨因寺洪福寺及本村關帝廟皆捐重貲年八十二卒

胡作衡字明泉生員父逝奉母惟謹母死慟哭以殉鄉人哀之爲勒石入忠義祠

李應運字方旭起仲子歲貢三任廣文少從父宦遊問寢視膳穆如也母病朝夕侍側湯藥必親時家報其妻病重置若罔聞年逾四十周旋膝下依依若童稚事繼母尤謹弟應賓死難遺孤世篤流離之際襁負不離子三人永篤淑篤禧篤皆有聲藝苑張 連字子彙監生性友愛上次兄與盧氏訓導卒於署時大雪塞徑盧氏多澗嶺崎

嶇異常連慨然率舁夫往及入山一望無際不知所之忽得藜杖而前歷盤曲百三十餘里乃抵盧氏城迨扶櫬歸里殯葬畢鬚髮盡白三兄軒貧無以葬連獨任之

邢 彪山東兵憲公國璽曾孫也祖爲樞歲貢生以收容旗人全家戍關東祖歿例得

歸葬時彪母先亡暫厝成所留兄守之彪隨父扶柩歸里旋父歿於家彪治喪畢兩赴關東求母柩歸葬兄堅留不放彪不得已請於官許之乃身負母骨跋涉數千里中途力疲輒痛哭祝禱聞者流涕於乾隆三年六月至家與父合葬事詳乾隆八年中州彰善錄

郭惠迪字禹謨太學生天性孝友七歲喪父痛母氏孀居竭力奉事矢志攻苦十八歲游泮試輒冠軍每以未登一第有負母教爲憾凡事必稟之於母凡物必公之於弟當寇難流離未嘗稍違母意與弟同居七十餘年友愛彌篤有司旌其門曰孝友齊芳

郭惠疇字熙載幼承母訓苦志力學值寇亂不顧妻子隨兄負母出入兵戈中竟得無恙與兄居鶴髮鮐背猶恂恂執禮常以仰不愧天俯不忤人二語教其子年九十二無疾而卒

張聖敬岡張村人乾隆時與兄聖裕聖謨以孝友著父母病親侍湯藥衣不解帶者數

長葛縣志

卷九

二十二

旬五世同居怡怡無間御史胡本立時教諭長葛與知事阮景咸榜其門曰一門孝友入鄉賢祠孫慶芝

孟 翱事母孝母歿時外孫劉臺在側臺故廢病母絕念之囑翱存恤歿後翱仰體親心即收養臺如己子載中州彰善錄中

程海龍字潛淵髫年孝友以醫術遊辰沅間時經喪亂念父母兄弟未葬道路梗塞每乎天號泣備歷險阻攜家歸里竭力營葬躬負土石叔母唐氏無子養葬如母撫諸姪如子子鵬邑庠生有父風

武榮登字潤章初名有斐邑庠生性至孝父不利衆口登每諫之至泣下由是亦允若父卒榮登柴毀骨立喪葬盡禮邑今許蓮峯贈額曰齋慄流風

路充陞字振九辛卯拔貢舉順天鄉試性孝友父病祝天願以身代充陞兄弟六人析財時以已能自植盡讓財產與諸兄弟勤課三弟俱成佳士

黃元瀨字臨川幼好學自期遠大後以多病遂棄舉子業種花木蓄禽魚怡然自樂性

純篤寡言笑事兄元溶白首無間雖瑣事必咨稟而行

武敬字肅齋友于最篤兄疾奉湯藥必嘗以進及病劇爲嘗糞卜休咎鄉黨稱弟焉子廷彥有父風

黃五福字嚮九元瀨長子也年十二喪母哀毀過於成人事繼母以孝聞父患風末疾五福身侍湯藥衣不解帶數年如一日讀書務崇實行嘗謂人曰讀書不能體貼奉行無以作人亦無以作文

路坦字安吉號梅坡拔貢生孝聞長子乾隆乙酉拔貢選授安徽泗州州判孝友重義執親之喪泣血三年弟至從弟堂俱諸生每事必咨坦始行坦任泗州時瓜李新登至堂必先寄坦而後食

李珏字雙玉號納齋歲貢生城西海子李村人才敏學瞻天性仁孝讀書過目不忘文思敏捷援筆立就不加點纂恍若宿構時人號爲飛筆學政盧仲子歲試許州深嘉其文囑入大梁肄業珏以親老不赴祖母何氏年高珏晨昏定省備極色養子瞻

長葛縣志

卷九

二十一

淇邑增生孫逢壬監生曾孫廣陽恩貢生

李重素辛酉膺鄉薦授仁和令有愛民如子聽斷如神之頌以父年高請終養引掖後學成就甚夥補山東武城令兩次賑饑備極撫綏民感其德年老告歸年八十六歲終

張衷恪字惕若進士授竹山令惠政良多尤重文教造人材邑居山險素難徵輸感以至誠如期完納俗尙潭神民事之謹衷恪惡其淫祀集木主投於河丁外艱後起令雲夢操守益廉值歲飢殫心經畫民免枵腹建堤疏河修學育士教養備至以疾卒於官

張宏綱康熙時岡張村人制行端方視聽言動一慄禮訓性介嚴取予盛暑燕居必着衣冠鄉閭化之婦孺衣履不整望輒遙避與兄朝綱互相砥礪邑令蔣公汝碩旌其門曰修己以正子聖裕聖謨聖敬

黃孟甫字維嶽號蓋峰邑名士元濬子也幼稟異質有器識凡庭訓悉能領會經史百

家無不洞精富著述工書法乾隆乙卯登賢書嘉慶辛酉捷南宮授翰林院庶吉士散館選授望江縣知縣下車飭紀綱整風俗釐奸剔蠹摘發如神嘗書提起全副精神加倍一番檢點之語懸之座右錢裴山中丞悉其精明廉幹每見所上公牘條陳切當中事宜手書答之謂君能遺福民生猶勝於文章報國也不一載得魴血症卒官公爲人正大光明胸懷洒落如光風霽月所著有蓋峰遺稿及館課存餘行於世黃士標字端夫號勉亭乾隆癸酉舉人丙戌檢發江蘇試用知縣代理鎮江縣知縣先是大江渡口船小人衆時有沉溺例禁不許多載而船戶冒利每以賂啗官府前禁遂弛士標至嚴申例禁自是無沉溺者後改教職任覃懷訓導諸生有爲仇所訐誣以藏違碍書者府守檄士標往勘士標曰事本無迹但以文字鍛鍊何患無辭苟得片紙隻字則其家破矣先使人授意諸生盡焚其書而後往勘無迹家獲全

張蔚林字青圃號松齋乾隆癸卯科舉人進士六行長子也主講本邑陘山書院視門下上如子弟循循善誘朝夕講貫無倦色任伊陽內鄉教諭署南陽新鄭商水等處

長葛縣志

卷九

一二十四

教諭俱以正學相砥礪薰其德者無不歌思慨慕久而弗忘

張榮林字德圃號桐齋嘉慶庚午舉人嘗與同邑名流結講經社談道論德一本於六經四書體行不倦門下成名者衆繼兄蔚林主講本邑陘山書院最久敦實行無浮靡習

胡殿揚字光陞號嵐乾隆甲寅恩科舉人任郟縣訓導晉接士子以實行相勉勵嘗謂聖之爲聖只是一個誠字二子自鄉往謁至署誦讀如故同僚中有相與呼爲少爺者殿揚即遣之歸或問故曰凡學者惟謙可以進德今少爺之呼洋洋盈耳懼生驕矜其嚴厲如此

顧增華字星源號嵩門乾隆丁卯科舉人南陽教諭爾常子也乾隆丙子歲舉於鄉朱正公極賞之後大挑簡發陝西歷署知縣又署隴州知州漢中府分府歷授三原縣三水縣知縣初到陝攝留壩廳篆有鐵漢子之號兩爲同考官閱卷掄才恒補服危坐主考深敬之曰聖賢學問也當事者或欲爲子乞科名浼人授意增華峻拒之竟

弗薦謝病三原士人無日無問之者餽薪米不絕於尉氏縣爲同族置義田又於先人祠旁設義塾以教族人子弟至族人之不能嫁娶者婢女年長卽具妝奩擇良配嫁之計前後凡十五人解組後就養季子玉書嵩翼城署內季子任桐封虧空二萬金值初度翼紳士謀贖金爲壽意在代補虧空增華聞而力卻之其負茲草詩集內所云力能卻萬金卽謂此也常言一日不讀書則一日爲之不快蓋其好學實根諸天性又言通經所以致用須體之身心方爲有益非謂考据精詳便足通經又言書非一代聖賢所作亦非一代名儒所能講盡須溫故知新方謂窮經深於三禮周易小學性理以爲非此等書無以瑩澈理路何以爲作聖賢之基小學手批者凡數十部此外如倉公郭璞等書靡不究所作有負茲草詩著家言五經致用錄周易三禮小學性理講義山海經山河兩界考年九十卒閩邑士子私謚曰文惠子五人詩舉拔書廩貢生易任吏目禮縣試冠軍早歿玉書乾隆庚戌科進士孫世燾嘉慶丁卯科舉人慶符縣知縣

長葛縣志

卷九

二十五

張六行字孝先號槐堂乾隆庚辰科解元辛巳聯捷進士爲人凝重聰敏性至孝以父年老不肯赴銓部服闋赴京謁選授廣東惠來縣令惠處萬山之中民以逞訟爲能每放告時呈詞率五六百紙六行於其情節支離者卽加詰訊且示懲警復多方開導半載訟獄漸稀在任二載尤加意於文教公暇輒親自詣書院集生童訓迪文風日盛七月調簾將入省以丁繼母憂去官撫軍以六行蒞任未久兩辦大差問何以作歸計六行對以家世寒儒素知節儉及今早歸尙不甚形踴蹶軍稱善者再卽日給咨回籍邑名宿顧嵩門嘗稱之云書院講授但談小學談忠孝不談文是真所謂鄉先生者矣子五人名次林拔貢四庫館議叙三書林增廣生員四月林冠童子軍早歿長蔚林五榮林俱舉孝廉任教諭

張長庚字夢白道光辛巳科舉人大挑一等署理湖南茶陵州知州新化縣知縣屢充同考官博學善文所至有政聲著有瓶城齋文集行世

黃元濂字潛庵歲貢生工藝文試輒高等鄉試屢薦弗售教授於家循循善誘所著有

潛庵遺稿

黃元渠字清如元濬從弟也少好學工舉子業深醇宏博郡邑無出其右乾隆乙酉科副榜後數薦不售而學益進文益古根柢經術自出機杼不求悅時日著有果齋遺稿

黃百福字爾卜號未谷五福弟也嘉慶辛酉拔貢庚午舉人道光丙戌大挑二等選授西平縣訓導蒞任未久卒官百福賦性沉默目短視幼即嗜學於十三經史漢八家之書無不手抄而熟讀之一時名宿欽其淵博年益老學益勤雖隆冬酷暑無間兒輩恐其過勞時勸止之百福曰余自樂此不疲也爲文根底深原本經術教授生徒以博學爲主隨其才質高下各有成就一時遠方從學者屢滿戶外晚年文名尤重葛邑講學家每以根柢之學推顧嵩門以考據之學推黃未谷有古韻考琴譜金石錄諸著作詩清新惜經兵燹存者寥寥不多見於世既卒門人私謚文範先生

許天錫字禹範恩貢生縣東南絨線里人文追前明詩摹盛唐罔邑咸推重焉長於古

長葛縣志

卷九

一二十六

作與邑名士顧星源黃澄波武萬青三先生齊名士林無不折節下之教讀於家凡從遊者皆知名士與顧星源諸人結立詩社互相贈答所作人日詩及倦齋記尤膾炙人口

張聖澍字化堂號南極又號韋佩邑增生爲人嚴毅方正精禮制工吟咏凡吉凶禮式士大夫所異議莫定者恒折衷焉

田春興字青麗貢生道光二年恩賜副榜性孝友恬介屹然孤立家貧舌耕餬口貫綜六經事親能以色養課暇時即依杖承歡塵甌屢空怡如也清中葉文尙挑梟非復宋明氣格春興啟迪後學講制藝專以理勝不從時尚力追孔孟程朱之真經傳子史博引繁証類批旁註期補後學灌溉所及類得成名及卒學者私謚文衡先生子藍田增生孫星園庠生曾孫里詠清高著書凡十六種爲大中序解四卷尙書今古文辦一卷堯舜二典合編一卷青麗文譜一卷批孟子七篇尙書一部在繡一部詩經平仄一部明文傳薪二卷真西山感應篇一卷選評試律詩一卷國朝賦楷一卷

大家文二十二卷唐宋八家文二卷訓子雜錄二卷課幼草一卷

張致中嘉慶二年輸石固驛官地五畝邑侯以急公好義旌其門

孫際辛嘉慶十八年歲饑捐粟三十餘石賑饑民年八十五卒

王西辛字麗圃幼而岐嶷工書法捐授福建漳州府漳浦縣南場鹽課大使致仕家居周急憐貧嘉慶十八年歲饑人相食西辛罄其所有以賑飢民邑侯鄒公以全活實多匾額旌其門

李苞字如竹性喜施予愛讀書嘉慶十八年出貲賑濟閩邑蒙賴又創立義學科歲兩試遇貧生輒助貲斧邑侯旌其門曰慈祥愷悌

張士祝字賜侯邑增生崇實學士林重之嘗曰聲聞過情君子恥之若身列儒林汲汲焉惟名是務亦可謂玩物喪志矣門前井或飲其上遺金三百兩士祝坐守俟遺者來尋原金付之遺者欲分金辭不受既而欲贈頌額又辭曰金非吾金不受分也既不受矣而轉受名斯仍同受金矣非所安也

長葛縣志

卷九

二十七

桂瑞圖字國寶嘉慶十八年傾囊賑饑邑侯鄒公以推食分人匾額旌之

王嗣曾字紹沂候選鹽課司提舉初邑無文場每縣試輒附設縣署內並六房棚簷下星羅棊布植風雨則不堪其苦嗣曾父有意創建考院以便士子因疾未果嗣曾早歲入成均及弟邑庠生希曾志益決會邑侯珊山陳公延邑紳修補文廟餘貲建立文場嗣曾因請獨任其貲且以承先志遂捐城內市宅兩處刻日興工年餘工竣計費貲約八千餘緡邑侯稱爲尙義君子事上聞嗣曾蒙獎鹽課司提舉希曾蒙獎南陽縣訓導曾孫秉均登光緒壬寅恩科賢書

劉永吉字惠迪太學生城內朱家巷人咸豐元年獨修聖廟崇聖殿學政劉公奏請議叙鹽課司提舉並賜匾額曰義肇黌宮光緒二十年永吉孫磐石磐珠重修時家已中落昆仲析居竭力合貲以繼前美尤稱嘉話

李育字化亭例捐州同曹莊人遇村塾中貧者每給以紙筆貸之束脩道光二十四年邑侯陳公重修文廟育首捐貲一百二十緡二十七年教諭署壞邑人重修育又

助磚瓦木料

李清吉字惠亭議叙縣丞祖母許氏有姪鵬午貧甚清吉體祖母心爲鵬午置良田二十畝使自給地鄰有桑姓者侵其田清吉不問後桑氏兄弟感悟自慚又設學田三十畝獨建義塾延師教育羅藩憲採風問俗特以誼美恤鄰額其門旌之子萬軸副貢

楊俊德字景唐邑西溪水寨人由附貢捐教歷署鄧州信陽新鄭等處教諭無貧富貴賤即接道光二十七年歲大祲倡首捐粟於邑之會河鎮賑貸饑民賴以全活者無算嘗言人負我不義我負人不仁與其人不負我曷若我不負人弟育德字銘泉廩貢捐教職歷署原武陳留鄭州等處教諭光緒三年大旱育德整理社倉倡捐穀粟村東隣溪水每年自備貲料冬梁夏杠提倡捐貲創修石橋至今利賴

范清平字坦如太學生業商有贏餘輒周貧乏邑明倫堂時久圯清平捐千金鳩工庀材獨任修葺邑侯王錫晉上聞獎八品

長葛縣志

卷九

二十八

陳鳳苞乾隆時舉人窮經不仕著有孝經真義易理探源諸書

楊燦基原名命九字杏村號一松鳳藻長子也性敏悟弱冠入邑庠嘉慶癸酉拔貢選授武安縣教諭道光九年大計卓異十年地震武安房屋坍塌者數百村布政使札飭幫辦邑令查勘燦基查勘極當凡鰥寡孤獨與被災重者皆蒙賴焉閭邑感之爲贈額曰士民悅服在武安凡十一年二次俸滿撫軍楊公保薦選授富陽縣知縣抵富陽前令積案如山上控者八九十事燦基接篆而囹圄爲之一空路不拾遺夜不閉戶邑稱楊青天二十六年調署德清縣知縣未幾回任旋以事去官以姪佩璋貴誥贈光祿大夫

王希曾字效沂庠生南陽縣訓導同治間皖匪之亂以文職贊襄武事團練守城咸合機宜閭邑賴之事定蒙獎特授安徽石埭縣知縣旋擢廣德州直隸州知州惟其地久爲粵匪蹂躪流亡載道廬舍蕩然希曾下車乃加意撫循相與休息旋補泗州知州歷署滁州和州廣德等州知州所至廉以持已恕以待人興利除弊慈祥爲心在

日無赫赫功去後每令人思云

武際盛字亦隆號南羅拔貢生二歲而孤性聰敏母年十九矢節教之讀日誦數千言誓顯揚以慰母心清初就試蘇門首補弟子員戊子科中式副榜入監屢試第一太史黃漚涓尤器之性仁愛亂後宗族播遷皆招致歸家子贊孝友有父風

程 恕字一可邑庠生品行端方孝事父母非輸糧祭祀月課足跡不入縣城力田讀書日加精勤遠近稱爲端士父卒結廬守墓朝夕哭奠寒暑風雨三年如一日人憐其孝爲立碑道旁

黃朝薦字狄門青城令家才次子癸酉舉於鄉丙戌成進士初任溇縣令甫一載撫綏流離興行教化循聲甚著調沅陵令遘疾歸初朝薦幼時母教之嚴課偶不中程痛自刻責杜門不出次年領鄉薦值母病不離左右食不知味寢不解帶禱祈備至奉繼母亦以孝聞兄朝聘性端嚴有事必長跪以請命坐則坐命行則行不敢有越及朝聘殉節于嫂姪備加撫卹子二光祚光裕俱監生

長葛縣志

卷九

二十九

陳正矩字經方蘊濬子也歲貢授葉縣學正勤于教誘成就人才甚多共送匾額曰昆陽化雨

張守先字欽堂原名鑑堯邑庠生例捐訓導咸豐間皖匪擾境人心驚惶捐千餘緡糾衆創修龍泉寺寨且獨修寨西門一方賴以安全邑侯鍾耀南保獎六品軍功銜光緒三年歲饑又捐貲賑濟饑民邑侯葉公以誼周桑梓旌其門

李嘉幡字甲榮廩貢生邑東石象人中年無子置一婢將納之女愀然泣下嘉幡問之女曰吾本良家子今若此是以悲爾嘉幡即遣之歸又嘗買一女入門女哭甚哀使人問之曰吾自有夫因翁姑無以爲養故致此然吾念故夫也嘉幡即居之別室次日召其夫使俱歸不責鬻貲

張瑞山字壽峯太學生嘗曰有無相濟理所當然爲子孫積財何如爲子孫積德凡寺廟橋梁修葺者不可勝數長孫鴻範省議會議員

孟繼聖字繩武捐入陘山書院四百緡邑侯王錫晉旌其門曰翼輔文明

宋如璧道光二十七年歲饑捐穀百餘石以賑濟之邑侯陳公旌其門曰樂善可風
范泰順道光二十七年歲饑捐穀百石以賑饑民多受其惠

劉玉池字清如太學生光緒三年歲饑散粟百餘石以賑極貧於次貧則稱貸鄉人咸
稱其義

盛振德字修齋太學生光緒三年與胡延慶胡壯行同捐貲立局於福盛寺以賑饑民
胡延慶又於孟排寨東獨修石橋一座

張士俊字清秀燒盆宋村人獨修畫匠王石橋一座邑侯何公以樂善牌旌之

武泰臨字恒吉篤友于輕財重義寡嫂子緝幼孤有族人某欲毒其母子而奪其產泰
臨知之曲加保護十餘年如一日且爲延師課讀後緝入邑庠

張金礦字用若增生待人寬和性耿介與兄金鑑弟金銘相繼入邑庠友于甚篤金礦
出嗣叔父聖澍及析箸仍勻分其產嘗作難得者兄弟論以見志

郭攀桂字月丹歲貢生邑西高廟郭村人博學善文同邑推重教授於家成材甚多子

長葛縣志

卷九

三十一

蘭可道光乙酉舉人孝友誠篤閭閻矜式孫二謙三廩貢生道三附貢生候選安徽
吏目曾孫毓璠廩生

蔣棟字隆九恩貢生城西秦公廟村人品端學博篤於孝友里黨交推執親喪廬墓
六年居恒於牆壁向墓處鑿穴望之人爲垂淚教授五十餘載因材施教門下多知
名士所註有女三字經文昌帝君陰騭文救急奇方辨惑論二十四孝詩二十四友
詩享年八十餘既歿門人共製錦書其行於上名曰懿行屏私謚孝全先生

武長齡字延年幼老成聞同舍生作淫語輒出戶立雪粘衣帽寸許不辭父卒哀毀踰
禮聞母至則節哀恐滋母痛嗣因母疾留心岐黃之術於母之飲食習好呼吸動靜
無不細驗而體察之以求脈症相符故用藥輒效遂精於醫活人甚多

張鳳立字儀廷舉人榮林子也和平質樸尤務實行嘗曰虛名易求實行難副幼學當
寶身如玉勿令少有玷缺事老母依依在側一飲一食必手調以進晝則言笑晚聚
燈前講誦坊刻野史博母歡母年八十餘遭痰鬱症衣不解帶數十晝夜母卒因毀

致滅玉箸垂頰下尺餘子三次叙九知名

黃嘉運字禮堂廩生性孝家寒素舌耕餬口母多病每赴館別母必多方慰藉出門則私自淚下才魯學確教訓生徒多所成就八比深醇詩賦典博同邑鮮出其右者

黃嘉名事父母先意承志伯母石氏多病侍湯藥數十年不倦工詩賦善楷書乙酉拔貢

張銑之字廣澤號菊山邑名士家貧性穎悟好學孝友過人童時與以美食輒曰此雙親所宜兒不敢食壯出從師刻苦自勵文名藉甚教澤所被英雋輩出妹適桑氏甫三月寡銑之迎歸飲食日用如未嫁比妹卒桑族凋零無可爲後者銑之葬於桑塋設主於家隨時祭奠且囑子孫罔替銑之道光乙巳入庠光緒乙巳邑侯王錫晉敦請銑之重游泮水以示寵異額其門曰巽序耆英卒年八十五著有寄園詩草子二長心鏡歲貢生博學善文

孫常山字巖泉監生家貧少孤道光二十七年歲饑弟隨母行乞遠方常山遂流落在

長葛縣志

卷九

三十一

籍及長乃偵母弟所往沿路問詢誓不得母弟確耗不歸資用乏絕辛苦萬狀年餘始獲乃與偕歸鄉人稱其孝毫匪之亂以守城功邑侯請獎五品銜子四長夢蘭廩生次振先增生

路秉銓字量三太學生嗜學敦於內行母卒事父尤謹父疾晷晷之類親自洗滌從不假手他人嘗曰妻子能代我身不能代我心也

路景曾字仰亭與兄嗣曾俱以孝聞父早卒從學於蔣隆九蔣至孝每說經至蓼莪章輒嗚咽不能卒講景曾侍側時爲流涕母病痿須人而行景曾奉侍久精神恍惚母喪畢亦卒子廷瑞廷擢姪廷聘俱庠生

高仰山字敬亭附貢生品端方爲鄉閭望有爭執者咸集求直故村鄰數十年無訟案篤於孝友繼嗣伯父本父母歿四弟年幼擇兆營葬獨任其艱並扶植諸弟成人家貧舌耕列門牆者叠擢高科讀書必求的解不肯一字略過通周易著有周易貫解子二應奎歲貢生應璧優廩生孫十七樹信同濟大學工科畢業

范宗矩城西范莊人家世孝友自宗矩子孫至曾玄來昆俱以忍讓著同居七十餘口
雍睦無間咸豐九年學政李公旌其門曰七世同堂時宗矩有子一孫一曾孫五玄
孫七來孫十五昆孫二十有七

熊廷輔字翼吾歲貢生嗜學性孝友年六十餘母病癱八年弗起廷輔自以不能奉左
右時涕泣卒年七十五子其昌

胡鳳山邑城西孟排寨人以孝弟力田世其家自八世祖至鳳山同居數十餘口倉有
儲粟家無違言焉子崧峯歲貢生

張永祿素事佛然不肯於儒家貧以舌耕養其母極得高堂歡事兄悌尋母暨兄相繼
歿永祿喪葬以禮事媼嫂愛敬如母光緒三年永祿提倡邑人立宣講局以翼名教
嘗曰人生不外庸行能爲純儒則二氏之學可不講矣

馬玉銘字待聘天性孝友父卒時光緒三年歲饑葬禮不備每念及輒流涕中年小康
事母有孝稱玉銘曰吾今見吾母益思吾父罔極深恩未報萬一何孝之有妹適近

長葛縣志

卷九

三十二

村樊氏每有佳食必邀妹至不獨入口

張永法廣福寺張村人性孝友家貧親老奉事惟謹飲食衣服竭力供給陽示二老無
窘態親歿後每逢節祭必隕涕事寡嫂如兄在年九十四子三孫四曾孫五俱克家
季子應午邑庠生

魏國植字馨安邑庠生性孝友陸族鄉人贈額曰孝友世芳

李 昞字正兮號蓮洲邑廩生性仁孝昆仲五人終身怡怡無違言王香崖先生稱其
品純文粹

劉昺炎邑廩生居家孝友學問深博遠邇推之

薛汝江佛耳岡人孝友卓著鄉人贈額曰克敦子道

薛 傑佛耳岡人孝友純摯鄉人贈額曰孝弟克敦

王福昌邑民事親孝母病割股進立愈

劉藝林字鄉三幼失怙依叔成立事其叔曲意承歡如事父及叔病嘗藥以進叔卒廬

墓三年

李大紅二紅溝李村人同胞兄弟也同治間皖匪之亂隨父避居天與寨父偶還家被擄二子乃執鎗縋出擊之匪遁父得免合寨稱其孝

王文祥城南魏莊人性至孝同治八年五月粵匪入境文祥扶父避亂中途遇賊父使前行而已斷後文祥曰焉有子圖其安而陷父於危者乎遂請父前行以腰鑰向賊奮擊賊退得全未幾賊大至文祥被重傷死

李賡陽字仙溪恩貢生事繼母孝聞母患泄瀉一夜數十起賡陽事之月餘無少懈及疾將革謂賡陽夫婦曰吾無所囑吾之子女依汝夫婦吾復何憂後賡陽於四弟一妹嫁娶之事無不從厚且曰慰母心所以慰吾父也

宋承擯字敬亭邑西北佛耳岡村人咸豐九年捻匪亂避陞山中途遇匪家人散承擯負父逃匿數遇匪詰哀其孝縱之去及父卒喪葬如禮事兄承先尤謹讓兄專讀身任家事承先爲增生承擯之功也

長葛縣志

卷九

三十二

司開先字春巖項城司鐸宣昭子也年十八舉於鄉張中丞之萬奇其才逢人說項忠親王僧格林沁聞之特署爲行營委員累薦至同知曹州之役王殉難屬官皆罷宋軍門慶召爲糧臺幕友新疆役起隨張制軍曜西征深入不毛糧道不通軍中殺馬而食嗣牛馬俱盡乃斫牛馬骨一時軍士咸欲解體開先乃集諸總戎激以大義且親冒鋒鏑爲士卒先由是軍氣大振無不以一當百所向披靡事定制軍論功行賞保授直隸州知州選浙江嚴州府遂安縣知縣先是遂民因毫匪之亂多不供貢賦歷數幹員不能治開先至先懸之以不次之賞後惕之以不測之威寬嚴並用遂民由是翕然用命任遂六年調署會稽縣知縣欽加三品道銜勅授中議大夫旋委署海鹽縣知縣時海塘水發例歸海道修築而海道適他往開先目睹災黎惻然代爲沿海之民咸慶再生然負債過巨彌縫實難由是抑鬱成疾卒於官

趙清安字靖臣邑武生城西榆林村人以守寨功獎授五品軍功銜皖匪之亂人心惶恐乃相度地勢創修陞山寨且獨修寨南門嚴守禦之備匪至不敢犯而去先于中

道設伏匪過起邀擊之擒其渠魁馬禿子所擄子女得全者不可勝計有新野童子韓榮光亦在擄中清安奇其貌館之家塾後歸補博士弟子員時粵匪皖匪迭至農幾廢業清安仿屯田之法選壯丁編卒伍勤訓練擇近寨田耕之十餘年安堵無恙弟銘勳子榮晉皆庠生以守寨功蒙獎六品軍功姪榮卿邑庠生繼清安爲寨主堂姪榮庚咸豐乙未科副榜選授睢州訓導

關春芳字華亭才氣超邁喜談兵常曰多算者興少算者崩昔楚屈瑕縱樵以滅絞晉欒枝曳柴以敗荆非徒以勇勝實以算勝也咸豐三年皖匪亂羣推爲鳳臺寨主匪至皆不得逞同治六年匪又至亦如之繼而寨壁傾圮春芳乃倡議重修尅日督工未成而皖匪突至遠邇張皇春芳曰勿怖乃植門扉作堞以防箭又於寨外壁去地五尺許懸燈星羅防匪踰寨四面豎旗每旗若干人左實右虛執戈以壯聲勢將排槍環列於前匪見其有備乃相率去邑侯鍾公深嘉獎之

張葆光字彩菴歲貢生當捻匪之亂竭力守城晝夜不息賊窺城西北隅弱蟻附而上

長葛縣志

卷九

三十四

城上燃大炮擊之炮笑斃燃者二自是無敢燃者葆光奪火連發數次賊遽去城賴以全邑令上其功得獎五品藍翎

路榮恩字錫鴻號小艘邑諸生孝友工書粵匪至城垣傾圮凡廟宇民廬多焚燬榮恩乃與邑紳張中方張曉鳴諸人倡議修城請之邑侯張公象鼎因委任焉榮恩不避勞怨數月工竣惟南城女牆未修皖匪突逼城下以火炮擊之退時毛樹棠督辦全豫團練共推邑紳張中方爲團長榮恩及張曉鳴副之於是製火藥造軍器練壯丁儲軍需同心協力十餘年無休日賊臨城下數次俱擊退邑侯詳請獎五品軍功李春三字曉亭歲貢生皖匪之亂爲董村寨主調馭有方十餘年匪逼寨下數次皆不能得志子潤歲貢生

司廣昭太學生以侄開先貴賞三品花翎誥授中憲大夫清咸豐間寇匪來犯廣昭糾數十村衆築四三府寨同治六年匪突至廣昭守禦有方且親燃炮擊賊斃十餘人賊乃退

樊金玉字相亭有膽畧咸同間寇匪犯葛環城而攻尋以車載柴將用火攻守陴者皆驚金玉見西門危甚乃親開佛郎戟礮一礮斃賊數人乃退事後邑侯鍾公詳請獎給軍功六品

張中方字鎮五號東橋恩貢生師侍御史劉公光三深器之與胞兄甲三友愛尤摯甲三有瘋顛疾發則迷不知歸中方多方保護甲三曾病發陡失踪中方履不及納跣足尋之至河北岸始得與偕歸雙足俱腫咸豐三年粵匪犯葛被獲匪奇其貌授以偽職中方峻拒匪怒露刃相迫中方不爲動匪乃挾之去行數日匪防懈逃歸時承平日久城垣傾圮中方慨然邀同邑紳請邑侯修城鑿池越數年工竣適奉上檄辦團練衆舉中方團長調度有方籌畫備至皖匪寇數至城下得以無恐肅清後邑侯請內獎特授宜陽縣教諭赴任未久故

張曉鳴字應昌號鳳坡邑廩生形容魁梧凡邑中要公多依賴焉清咸同間粵皖兩匪迭作曉鳴乃與邑紳張中方等共建守禦之策請於邑侯修城郭儲軍需選壯丁時

長葛縣志

卷九

三十五

訓練山是有備無患終咸同間十餘年匪數至俱弗克咸豐九年皖匪騶張屢薄城下時顧恩培權葛事戒嚴有道憲某欵關求入城顧公弗許道憲哀懇不已顧公乃令曉鳴暨張位寅路榮恩等縋城出見道憲達其意道憲鞠躬曰僕之求入非有他爲區區之命耳曉鳴等齊應曰吾邑侯有守土之責固不得不爾大人所言者私情邑侯所守者國法若以國法言豈吾輩所敢贊一辭憲蹙額去肅清後鍾公耀南爲曉鳴詳請內獎訓導一時同獎者列後

張天章邑廩貢獎授訓導

楊效三貢監生獎授吏目

張乙庚邑廩生獎授訓導

武光里邑庠生獎授巡檢

呂承恩邑庠生獎授縣丞

張長慶文童獎授巡檢

周龍光太學生獎授縣丞

趙榮恩邑庠生獎授典史

以上八人俱內獎

張葆光五品軍功

孫常山五品軍功

路榮恩五品軍功
路飛鵬五品軍功
張位寅五品軍功
黃敬本五品軍功
王廷將五品軍功
尙 璞五品軍功
王世湛五品軍功
劉永忠五品軍功
張雲霄五品軍功
張凌雲五品軍功
張驪珠五品軍功
范重光六品軍功

李春榮五品軍功
張銑之五品軍功
張 鼎五品軍功
張成林五品軍功
張友松五品軍功
朱惠宇五品軍功
程景山五品軍功
趙金標五品軍功
賈俊卿五品軍功
武在鎬五品軍功
李景山六品軍功
張可大六品軍功

長葛縣志

卷九

李治國六品軍功
郭振西六品軍功
張清純六品軍功
劉永明六品軍功
路嗣曾六品軍功
劉效賢六品軍功
張元第六品軍功
谷生芝六品軍功
張 滋六品軍功
劉慶燧六品軍功
邢振海六品軍功
李召南六品軍功

張可亭六品軍功
路照恩六品軍功
路榮璋六品軍功
張 淇六品軍功
張依濱六品軍功
張文秀六品軍功
李國印六品軍功
張捷三六品軍功
高振綱六品軍功
劉振聲六品軍功
劉文華六品軍功
李倫夫六品軍功

高維嶽六品軍功

李裕泰六品軍功

李寅午六品軍功

李廷壽六品軍功

趙蘊章六品軍功

朱錫朋六品頂戴

樊金玉七品軍功

劉夢璋八品軍功

以上五十八人俱外獎

岳映淇字漪園牛莊人宋忠武王裔也咸豐辛亥科舉人淹貫經史兼通星緯道光二十三年癸卯孟秋初昏有白氣經天如練注洋角亢之間直射鶉尾之域月餘始滅映淇歎曰亂將作矣白金色也五行之用惟金主殺孟秋之月金氣方盛二金並行能無咎乎歲干在癸癸干之暮氣也是歲無恙其兆將在癸丑乎癸卯癸丑干之旬也長社鶉首之分躔也今天象見於角亢其詔我乎弗爲備民將無祿乃謀立寨浚池及守禦之策時承平日久函夏無塵聞者迂其言遂寢咸豐二年地方不靖及癸丑六月六日粵匪由新鄭至葛不勝其擾自是而後皖匪代作終咸同間民無寧日

長葛縣志

卷九

三十七

映淇之言於是有徵惜壽不永

王重華破寨王村人也善形家術每歷村邑輒停驂諦視卜其休咎驗若合符咸豐間粵皖兩匪迭至村人不堪其擾將欲即村爲寨質之重華重華曰不可是地爲行龍水不環砂不抱若果修之必不守易地而後可村人迂其言且室廬所在安土重遷竟卽其村爲寨重華乃以其旅行避居陘山嘆曰是村其無噍類乎吾不忍以身殉也寨成之明年皖匪至竟失守室廬爲墟村原名王莊因改號破寨王

王鳳翔太學生邑西河涯劉村人昆仲已析爨弟鳳池累債窘甚鳳翔代還其債無難色族兄公振貧不能婚且無居鳳翔助貲營宅完其婚姊歸某氏貧如洗鳳翔給粟緡一再修石橋施藥捨茶美不勝書

翟明倫字敬五太學生城西舊牛站村人賦性慈祥遇貧苦親隣之婚媾喪葬隱加周恤者甚衆光緒三年歲大饑每畝地不能易斗粟明倫曰乘人之急不仁因勸富人昂田價光緒二十五年歲小歉散粟貧乏親族明年亦如之子貫之弱冠入邑庠爲

知名士

木工王明山薦其弟於城內錢莊充司賬弟竟竊去白金三百自署其名而逃明山慨然曰死不可負人即鬻宅以償錢莊主人李榮甲李不自安乃以此金捐入本邑隱山書院置學田現尙有碑可考明山子然一身以鑿輪輿拾字紙自活終身無怨言武克仁字開三山監生加捐鹽課大使職銜性慈善幼失怙恃惟祖母與叔是依祖母及叔歿俱哀毀盡禮光緒十二年與張位寅等創立惜字會宣統三年與楊錦濤等創建純陽閣附設主善局辦理一切善事尤爲出力他如修太山廟藥王廟大王廟玉皇廟觀音堂東北城角城隍廟甬路東門吊橋松嶽書樓皆克仁所經營者也邑侯王錫晉贈賢勞紀績匾額鄉黨共贈施濟流芳匾額子四人金潤蠶桑中學畢業金標太學生金芳太學生金福尙幼金標業商曾捐錢千緡修文廟又捐錢二百緡修縣志

段 珍字席貴號自知貢生喜程朱之學有階級可尋以爲學者希賢希聖希天之功

長葛縣志

卷九

三十八

俱在乎此舍此言學未有不入於禪者家居設教以小學孝經爲主每與弟子說經逐條逐事必令反身體會嘗曰自古無空言之聖賢聖賢之所言皆聖賢之所行也早歲喪父事母至孝母疾篤刺臂血爲文禱竈君祈以身代嘗作五字吟小兒曲幼女十六曲幼女歌編王母勸閨門論等書以移易風俗皖匪之亂珍爲尹家堂寨主建守禦之策修敵樓製槍炮備器械時訓練規矩井井寨本蕞爾而皖匪往還十餘年卒賴以安

張天章字倬雲號鳳橋廩貢生初爲僧繼還俗性嚴而乖爲文雄健院試累冠軍院亂以守寨功獎授訓導潛心經史詩賦字俱工尤邃於易卒年六十有六女九人無子李繼宣字宗陸號素臣中順治戊子順天副榜天資明敏歷任固始羅山新野永城等縣教諭所至有文名課士嚴有勤學而力不逮者俾入學署肄業出貲助之道尹沈荃以文開蓼國匾額贈之

路月輝字明揚邑貢生博極羣書精制藝教授於家遠近負笈者常滿某歲試塾中入

設者凡九人州縣案首在焉時傳爲美談道光丙午文已擬元因正副主考爭執意見遂以五言中一字微疵抑置副車月輝由是知數奇不復應鄉試所著有學庸精義兩卷藏於家

張嵐峯字曉村天性聰穎廩貢選授西華縣教諭歷任十餘年在任中光緒庚子辛丑併科舉人丰神灑脫才名籍甚幼失怙恃依叔成立叔遺子蔚峯尙幼嵐峯教養倍至入邑庠嗜學好古搜邑中先正詩文輯爲耆舊集民國二年甫逾五旬卒

李嵩生字孝山歲貢生生平教人先德行而後文藝當作家塾暇錄編輯古人之嘉言懿行分爲六種以自考而勉人曰勤學曰孝感曰家訓曰師表曰節儉曰誠感道光元年學政錢公題詩贈之

楊臨午字麗中生而穎異家貧失學年十五始讀書晝夜攻苦不數年即補弟子員歲試輒第一西吳談秋帆先生深器之以爲具有天縱人才氣早卒武萬青編初學慎道文集刊其文

長葛縣志

卷九

三十九

司 議字毅庵歲貢生授新野訓導與諸生論學援古証今娓娓不倦著有文法詳說行世

田浚渠字雨農同治癸酉科舉人候選儒學司諭著有正字記略藝蘭館賦稿藏於家田依渠字環溪號梅村咸豐丙辰科進士歷任山西甯武洪洞大原神池稷山等縣知縣候選清軍府知府著安雅堂課幼草茹古山房課徒賦草茹古山房駢體文茹古山房讀史餘吟等書

田耘平字種甫號晴波嘉慶丁酉科副元戊寅恩科經魁選授滎陽縣訓導著有五經鑄義荆樹堂文稿俱未梓

司宣昭字健庵勅授中議大夫海鹽縣知縣開先父也山恩貢生內閣中書銜歸部選陳州府項城縣教諭清貧友教四方多所成就著養心詩集行文樂稿等書藏於家未梓

辛志道字念菴歲貢生人品純正工制藝著有念菴存稿行世

胡星垣字景宸聰穎天成善制藝弱歲入庠旋食餼尤工詩賦試輒第一州縣署爭延之

武士選字萬青歲貢生博極羣書所著有約六齋文稿復輯名家文分門別類編兩冊曰初學慎道學者宗之漢陽熊文淵博宏深學者罕能窺其底蘊士選特爲評點逐字逐句用意用筆發揮無餘名曰熊文精華風行海內而其著述尤堪羽翼經傳者莫如尙書因文已採入四庫全書其他如註漁洋古體詩等書不下十餘種清光緒十九年督學使者邵公松年雅意採訪奏準崇祀鄉賢祠子四人長其田字經畚次于田字耘中皆庠生跛一足自號半人著有半人詩草孫曝書庠生

張翼軫字明星歲貢生敏而好學平生著述甚富有詩網聯解尙書摘要易蘊會通禮記聯珠躬行鑑五倫鑑陰陽傳生生論性命實學諸書均藏於家尙未梓邑侯王錫晉贈詩云德行真可對天地學問復能貫古今卒年八十有四

武克寬字敬敷以賑濟獎授安徽巡檢性孝友幼失怙恃居喪如成人與弟克仁食同

長葛縣志

卷九

四十

案臥同席出入起居弗忍暫離棄儒業商中年致小康光緒三年歲饑倡捐賑金三百克仁素不羈因經商大挫負萬餘緡克寬毀家爲償無怨言素性嚴急聞弟至則喜形於色子金麗

左應旂字銘常太學生邑試院年久失修且隘士子苦之光緒初年應旂捐金兩千餘兩廣其舍宇石板木椽轅門照壁燦然備具至光緒三十二年科舉停止公議試院改學堂應旂又獨任其事邑侯朱名炤上其事獎知府銜

李承鄴字陽俶天資雖鈍喜讀書苦志研究無書不解未冠入庠食餼人品學問爲邑巨擘從遊甚衆每講經義必引古人忠孝事娓娓不倦後以歲薦授獲嘉縣訓導月課諸生以品行學問爲先蓋素植端方以身教也休致後念聖廟文昌閣修葺未完出已貲黜堊一新事竣方旋里其敬事如此以壽卒於家

張叙九號鶴巖字景堯生而凝重有至性幼失恃依養祖母十歲時祖母病劇叙九偕禱神明乞以身代旋愈幼從庭訓聞講小學中事即能見諸實行稍長刻苦讀書雞

鳴即起研究經史嚴冬酷暑無倦容年十九入邑庠旋食餼平日專務實行不屑屑於文藝中年值匪亂屢擾城下乃仗劍登陴巡視城上通宵不寐守衛有倦者責以大義衆爲慄然事平獎軍功五品力卻之不自以爲功光緒壬午鄉試中副榜因絕意仕進教授鄉里從學者數郡畢至時時從切近處指點潛心理學自周秦以來諸子學派之源無不洞晰精當識精養邃純如也持身以誠敬爲本恪守程朱處世渾不露圭角敦尚清操取與一毫不苟望之儼然及與接則藹若春風生平不作浮靡文字或以碑志等來謁宗旨歸於勸善間或發爲詠歌悉本於性情閱歷不事雕琢晚年遂於易優游田里其心得受用處更非外人所能窺也年雖耄恒莊坐無惰容常誦君子莊敬日強之語以訓門下卒年八十有五學者私謚文慎子二輔勳廩生甲種蠶業教員定勳拔貢教育部京師圖書職孫二增祥增綸俱畢業北京法政專門

李瀛洲字蓬萊邑城西海子李村人品行端方壽登百歲邑人公舉壽官且贈匾額題

長葛縣志

卷九

四十一

曰壽屆期頤

張綸升字士俊城西南張莊人性耿介寡言笑嚴以持己寬以待人壽九十歲時君用城西南時莊人子一孫一曾孫四元孫五或讀書力田或習醫教有義方壽九十六歲道光元年邑侯蔡公額其門曰五世同堂

張鼎字禹九諸生壽八十九歲性質直行端方嗜讀工書學問深醇咸同間爲北門長以守城功邑令詳請獎給五品藍翎後土匪過城西甚熾鼎率鄉勇進剿獲勝得其軍械無算邑令鍾公保舉訓導

范時以孝友聞生平寡言笑樂施予年九十歲

張會午張玉峯俱以醫聞午年九十歲峯年八十五歲

張超字高科篤友于兄弟三人超爲幼分爨時凡產業財物悉聽兩兄所取鄉黨稱之壽九十一歲其子秉陽字建亭業儒性耿介亦稱於鄉壽八十六歲

趙承極趙建極趙萬春俱邑東老官趙村人承極壽八十九歲河南按察使景賜匾額

曰壽享百祿建極壽八十五歲按察使景賜匾額曰鶴算無疆萬春暨其妻梁氏均壽登耄耄邑令鄒公蔚祖賜匾曰椿萱並茂

蔡萬春字向榮城東南蔡莊人爲人學而不厭不求聞達有隱士風壽九十歲

閻忠積學未遇精岐黃凡時疫流行著手成春不受謝金壽八十三歲子錫爵增生孫化卿附生有聞於時

劉維清太學生值歲歉曾散粟本村以闕貧乏陞山書院山長鄔鳴離贈額曰任郵鄉里壽八十二歲

盛朝海字匯川號伴竹性孝友兄冠卿業儒從師一切經費早爲預備無吝容且慨然捐金獨修家祠壽登八十二歲邑令贈額曰齒德兼優

尙應泰字保齋居心正直待人忠厚村人有爭者必多方和解之常曰有清官無廉役事在可已不如放寬一步與其角勝以飽役何若用此訟費以厚吾鄉黨鄰里也壽八十八歲

長葛縣志

卷九

四十一

桂聿修字德昭城東桂莊人光緒十四年黃河口決邑侯王公奉上檄簡派明敏練達諸紳詣河口助修河工聿修胥肝勤勞尤爲出力及工竣蒙邑侯保薦獎授翰林院待詔職聿修平日爲人謹厚謙遜退然如不勝衣處家寬而有制從容以和馭子弟以禮子景葵少年入庠孫廣颺業儒壽八十歲

時光斗字映奎城西南時莊人也品學兼優精於醫尤工喉症年九十二歲子錦奎文閣典籍欽琳俱監生孫五雨足詩禮堂啟事兩金武生維清澄清俱監生瑞桐師範畢業

張恒字月如積學未售之耕讀訓子孫如葆光鵬程福載元泮元第元愷均循謹邑令熊公旌其門曰恩寵遐齡年九十二歲

冀羣山字叢峯忠厚廉讓與物無競閭閻以德壽兼隆旌其門壽八十三歲

李春榮字青陽邑諸生性溫和行剛直學問深醇書法韶秀壽九十一歲恩賜八品頂戴

胡林竹字茂修壽九十一歲恩賜耆民忠厚廉讓樂善好施以學吃虧三字訓子孫每逢歲歉鄉鄰告借輒與之粟不求償邑令江公旌其門曰盛世耆英

凌如玉字溫然邑西會河鎮人和平接物忠厚傳家五世同堂壽九十六歲

婁輝字星燦邑西婁莊人好善樂施傳家有方事母孝壽九十歲孫仲左亦以孝弟稱

劉德申邑西小莊人溫厚和平與人無爭即懷忿戾者遇之亦下氣怡色壽八十四歲胡建之性慈祥精醫理藥囊隨身人有延請者藥對症便探囊予之而絕不名一錢鄉人德之壽九十二歲

王國弼字廷輔世居城西後河鎮人品純正齒德兼優享壽百有二歲邑侯彭公元海贈額曰德慶期頤

劉榮光字瑞庵邑西窰李村人早歲入庠旋貢成均和平謙讓與世無爭尤善書壽登八十有六

長葛縣志

卷九

四十二

魏俊名字甸卿歲貢生候選教諭儒素自安未嘗干謁年八十七卒子璉璋增生瑞璋庠生俱循循謹飭有父風

劉來文字斐然邑耆民城西窰李村人持家勤儉待人忠厚排難解紛所居里少詬誶聲行年九十歲而終

楊師震字白菴爲人孝弟勤儉尤精騎射技勇恩賜耆老壽九十二歲

鄭維藩廬梓過訪見其堂聯云身經花甲二周膝繞斑衣六代時年百二十歲尙健不知卒於何時也舊志不詳何時人

李榮邑庠生一生教授遊其門者多知名士家居杜門足跡不履城市非公務未嘗至公廨諸子百家之書無所不讀尤工書法嘗仿魏晉以來諸名帖分門摹臨無間寒暑或用指畫中夜構思偶有所得使披衣起得意疾書振筆輒數十紙衣衾間往往見指爪痕遠近以匾額碑記請者接踵惜時久散佚存者無幾

楊甲林號筱洲又號春帆太學生孝親友兄無違言工書畫凡人物山水花卉羽毛草

蟲之類寫真畢肖後從王澹廬遊眼界益高畫愈精晚年更以指畫見長時人得其片紙珍同拱璧年九十一卒

武 贊字全子際盛子性孝友資穎異少補邑弟子員博雅工文屢試高等尤工法書慕邑先輩鍾劉之風取淳化閣二王虞褚等法書發憤臨摹真草行隸各造神妙墨迹推重一時求之者屢滿戶外遠近碑銘誌頌列之金石者以不得贊書爲愧素患怯症值母病奔走禱祀竟以病弱卒年僅四十餘人咸悼之今存文廟及衷君去思碑爲世珍重

王 濟字巨川貢生工行書淡墨取妍姿態橫生

杜惠安字育蒼生員工書大字如斗筆力遒潤

陳允文字克卿號彬甫邑西溪水寨人乾隆丁卯舉人署理汝州學正以書法名世老而益精深得唐宋諸名家筆意現後河楊氏楹聯暨清朗寺四楞碑皆允文書

李萬軸字鄴三號春巖端品勵行儒術飭躬以副榜選授商水縣教諭其訓迪諸生先

長葛縣志

卷九

四十四

德行而後文藝嘗曰學者之所以爲學與教者之所以爲教均當本乎居敬窮理四字重刊陳確庵先生聖學入門俾諸生座右各置一編以相砥礪學正俞長贊喜其賢特爲作序尤達於醫所著有奇經靈龜飛騰八法針灸述古均待梓及卒門人私謚曰貞惠先生

胡天德字成九精於脉理擇其平日所得心應手方編輯爲冊每臨症探囊取之輒效享壽八十五歲子文彪亦以醫顯孫金章武生曾孫應南鳳瑞均世其業

關吉堂字普照邑庠生城西南關莊人也父子兄弟祖孫俱業醫吉堂性慈祥好積德人有延請者召之即至不索謝堂弟慶雲踵而起集有治驗方論數十冊字崇道增生侄孫錫蕃積學未遇俱以醫顯曾孫洵

馬景周字際唐貌古特少好學讀書不求甚解儒書醫書一覽卽窺其底蘊尤精於易洞悉陰陽順逆五行生尅之理年近五旬補博士弟子員嗣專攻醫切脈如神善於望氣凡藥之寒熱溫涼悉依節候精煉成方以故有延請者應手回春年七十歿

劉公拔字簡在宓李村人歲貢生選授祥符縣訓導兼攝教諭權理開封府學教授性嗜學古樸質直咸豐間粵匪犯境村人皆遁公拔咄咄於庭不少輟賊見其醇謹好學風度端凝異之不敢加害而去及訓導祥符妻居官廨不廢紡織嚴課生徒丹黃甲乙每月朔望榜於壁以示鼓勵祥符人文蔚起一時稱最撫憲某壽辰慶祝者爭致珍異公拔惟壽蛋百枚鯉魚兩尾而已門者上呈撫憲某方肅客堂上聞之下執其手以上倍感佩焉燕享之間特示優異一時傳爲美談享年七十有九卒於訓導任所

胡葆真字純夫廩貢生邑西劉村人性剛正教授於家列門牆者俱循循謹飭平日盛德所被雖庸俗無賴莫敢不敬動云不畏王法所加而畏胡公所短治家嚴而有法凡子弟燕居無敢跛倚雖盛暑見必衣冠客有聆其講論者皆震肅心服子四虞濬虞璇俱歲貢生立心制行不失葆真矩矱

侯樹本字榮卿積學未遇咸豐間以守城獎授六品軍功中年棄儒業醫精岐黃術用

長葛縣志

卷九

四十五

藥簡當無巨劑亦無多品著手成春嘗就聘藥肆肆主人欲昂藥樹本不悅曰余惟不能枉道殉人故至於斯登時辭歸後又就聘數處皆不合潦倒以終

關 洵字濟衆以醫術名於時先世皆業醫洵少有異志專心岐黃殫究義蘊卓然名家有延請者從不受人一餐時午便枵腹而歸嘗曰患病家亦良苦矣奈之何復以口腹累之於傷寒症尤妙手到病除卒年六十

趙志端字純一太學生城北趙名環村人少嗜學後以親疾精醫日往還於長洧間門前如市子蘊章邑庠生孫頌德太學生曾孫景清邑廩生澄波

魏廣賢字藹人性峭直精醫凡危症無不應手立愈所輯有醫方類編選要眼科經論經驗良方折傷要畧均未梓道光間邑侯趙公旌其門曰專精脈絡兄子夢明襲其術尤長瘟疫小兒等科孫文山曾孫其昌邑庠生

王建常字銘助城東杜莊人精醫術得異人傳凡遇跌打損傷及風寒拘攣等症着手即除同治間捻匪入境官軍某適被車壓折手足痛幾欲絕提督軍門張檄建常往

醫藥敷立痊軍門大喜詳請授五品軍功並賞戴藍翎嗣後每製藥施人累世不替
玄孫星樞禹縣警察所所長

清咸同間粵皖兩匪之亂葛人父老子弟斷頸殘體捐軀殞命者不可勝數蓋嘗
取遺冊流連參考竊歎長葛忠臣義士出於一介平民者之多也茲據舊冊所存
自咸豐七年至同治八年所有抗志殉節及居民被戕者姓名悉行編輯如左俾
後之觀者知世變焉惜其事不詳

田清渠殉祖母難

擊賊陣亡 十四人

- | | | | | | | |
|-----|-----|-----|-----|-----|-----|-----|
| 趙德廣 | 趙德潤 | 楊安南 | 趙克恭 | 趙書 | 趙克溫 | 扈魁 |
| 朱臨海 | 楊榜 | 吳丙南 | 李潤 | 黃心江 | 田中方 | 劉永申 |
| 桂法福 | 桂萃 | 魏法祥 | 杜興芳 | 王金貴 | 王振西 | 王量 |

抗節殉義 四十八人

長葛縣志

卷九

四十六

- | | | | | | | |
|-----|-----|-----|-----|-----|-----|-----|
| 王同靈 | 張書卿 | 李良聚 | 蘇士元 | 李小保 | 王日仁 | 辛性安 |
| 王敷文 | 賈萬順 | 唐木妮 | 辛功成 | 孟鴻恩 | 趙鎮西 | 馮育德 |
| 劉金山 | 閻喜成 | 孔繼俊 | 段福壽 | 曹百靈 | 李辰 | 陳倉 |
| 唐旺 | 王金城 | 武振祥 | 柳運 | 張金聲 | 李延哲 | 趙奮 |
| 范育德 | 傅元 | 李道遠 | 郭格意 | 盧寶珠 | 劉心正 | 劉大玉 |
| 郭長安 | 劉文 | 薛大旺 | 張文俊 | 李春芳 | 陳鴻 | |

遇賊被戕 一百零六人

- | | | | | | | |
|-----|-----|-----|-----|-----|-----|-----|
| 李春華 | 李六 | 苗溫成 | 潘秋 | 王合林 | 李江 | 王文魁 |
| 張元德 | 杜平 | 劉西平 | 張逢 | 張丙辰 | 張朝 | 劉和 |
| 王靖虎 | 劉春 | 劉金鏡 | 王友 | 張元儒 | 王山 | 王鳳翔 |
| 劉金蘭 | 張發運 | 王文謨 | 王大聚 | 王成文 | 郭盈安 | 王太和 |
| 楊五 | 王成貫 | 田長太 | 王振京 | 楊旺 | 李逢春 | 馬三 |

李遂平	趙義	張文	李蘭田	王保	郭王儒	李稅
張喜	王飛虎	李書太	劉德成	張奉	周元三	黃壽
王來虎	張彩	張申玉	宋國良	閻連印	張松林	胡遂田
段朝儒	田根成	任生	劉名山	張泰華	張忠	魏星福
賈萬倉	趙鐵	辛萬倉	周牛	高明德	岳錫魁	胡得祥
張福	周全性	趙桐	杜國泰	孫甫	盛雙林	喬烏
宋保三	任科	郭得安	趙金生	李文煥	馬束帶	朱潤章
金玉振	李廷壽	薛方	王旺	李儉	趙位戊	李喜
徐陽城	劉大全	賈遂三	杜大芳	崔拴撈	李春曉	郭元臣
楚金平	薛清吉	王玉生	楚興	田禹功	侯合	李環
田進方	<small>以上係同治六年忠節局所採訪</small>					

路夢保字說卿號華桐太學生性峭直累科不售遂絕意功名寄懷詩酒蒔花養魚陶

長葛縣志

卷九

四十七

然自樂子偶與訓導某子有違言夢保縛其子詣縣署請罪某聞之大悔曰路君盛德吾爲所容矣遂詣縣署請釋其縛且謝過焉曰咎在吾子吾不敢以誣公子三仲子榮乙庠生

韓太乙字蓮舫邑庠生安貧守正讀書每至夜分不輟光緒三年邑侯王公錫晉涖縣夜巡至其門首聞書聲潛聽良久乃入見如舊相識自是凡邑中有要公輒委任之太乙絕不干謁嘗曰不義之財非無小補而喪己廉恥已多所著有修齊要覽藥石針砭等書子四長金銘邑庠生

魏景星字燦如同治庚午科舉人持身謹嚴居家儉樸選授鄆陵縣教諭未有僕隸妻執爨躬親洒掃燕享賓客之會多避不預其訓迪諸生恒以儉德示之曰惟儉乃能廉書曰慎乃儉德吾生平所最喜惟此四字及去任鄆陵人仰其風度僉謂古之君子

張慶芝號麗生邑儒士少孤舌耕養母每委蛇博母歡性剛直疾惡若仇里胥婦孺皆

憚之近村有爭每就判曲直得一言立解教子嚴雖雪夜水天芳辰佳節罔假借教人以博爲要嘗曰學非詳說無以收返約之功學非淵博無以爲詳說之地子二長位中業農次蔚藍官戶部主事

陳正楷字範九早歲食廩餼事親至孝接物以誠以敬鄉黨榜其閭曰方正之士陳蘊淳淑聖保人以選拔中副榜淡泊功名孝友自將閉門課讀所成多名士

魏叔瑩字燦如光緒丙子科舉人邑城東北魏莊人廉靜寡欲清風凜然父早卒事母孝嘗有偷兒踰園竊其柴叔瑩遇之令挾去無後言教授以古人修身踐言爲期而不以文藝重非公事未嘗至衙署書法歐趙遒勁園潔年四十一卒

王世平字昇安三角王村人邑庠生恩賜副榜性儉樸喜讀書終日手不釋卷家貧不屑營謀有顯者某欽其名將厚贈之詣與語寒暄後仍觀書竟忘客在側不復周旋其風骨如此

楊佩璋字筱村少失怙恃衣履不完將學商從伯父涪縣訓導丙昌憐而養之攜之河

長葛縣志

卷九

四十八

朔涪縣訓導任所衣食教誨悉如己子嗣以案元入庠同治辛酉拔萃科元授工部七品小京官光緒丙子舉人丁丑進士改授翰林院編修杜門讀書不接權貴落落者幾三十年而風骨益峻戊戌遷國子監司業歷轉左春坊左中允司經局洗馬庚子補翰林院侍講召對稱旨辛丑遷侍讀升侍講學士旋補內閣學士兼禮部侍郎銜癸卯署兵部右侍郎欽派江南正考官校士以清真雅正爲宗時號得人甲辰署吏部右侍郎丙午署都察院副都御史朝旨駁駁大用矣某執政諷以意佩璋不肯往每有大會議介然獨立一處故雖身列卿貳而門可羅雀性喜酒每二三知己聚飲戰拇則大聲疾呼有陵轢一世之概微醺偶談時事則扼腕噓唏胸中若有無限感慨者辛亥改典禮院學士公知時不可爲歸林下閉門課子七年足未及城市爲文憂憂獨造書法顏柳字字端楷尤精鑒古書畫京師推爲專家卒年七十子廷勛蔭禮部簿正

樊繼宗字肖堂邑增生嗜學倡立日益文社身任社長多所成就然骨鯁不能阿長官

邑典史張某不職繼宗揭之徒步往來省郡歷數年卒得直毀署之役代理知事潘某前曾令葛忌其嚴峻藉端中傷遂誣繼宗爲亂首之一解送開封禍將不測聞縣紳耆聞於京邑事得解凡邑有大事君輒居首晚精岐黃年七十卒子孫皆循謹張位寅字曉峰邑庠生城內奎樓街人爲人清介絕俗孝友方正幼而岐嶷不與羣兒伍侍御史劉邑南先生一見即大異之稱爲載道器稍長嗜學刻責之功無間晝夜入庠後益自勵凡性理諸子之書無不披閱一書訖必返身理會嘗曰知行自是一事凡學不求之身心而徒務爲詞章皆俗學也聞蘇菊村源生主講鄆陵文清書院以程朱爲宗遂往謁焉數月弗去菊村喜曰誠篤如君可與言道矣因以二程朱子全書付之曰此儒學正傳也須細玩之事親養志趨承言笑俱從至性中流出居喪不用音樂浮圖等事咸豐九年十月十一日皖匪犯境位寅巡視城上無少倦邑侯顧恩培一見即刮目相待每事邀咨曾語人曰張君明敏練達吾所不及異日當升諸朝旣而匪退論功擬以知縣上保位寅力辭且曰守城分內事功名何爲顧益敬

長葛縣志

卷九

四十九

重之同治二年亳匪來擾邑紳張中方爲團長位寅奔走其間殫精竭慮厥功尤偉時鍾公耀南令葛欽其品欲以一見爲重洸人道意位寅卒不往乃以外獎五品軍功銜賞戴藍翎保薦位寅又辭光緒三年歲大饑邑令王公錫普耳其名聘任西席尋遵諭辦賑商酌公費位寅毅然曰賑濟何事尙暇謀及薪水哉饑民因以蒙賴光緒五年閏邑兩舉孝廉均辭謝著視香小草兩卷訓子詩十八首卒年七十有六子二長曷宸邑庠生

張永朝字世臣號曉岩英敏仁孝六歲失恃事繼母以孝聞繼母亡永朝念父寡歡不入內室者十三年父歿寢食柩側朝夕弗離逐日悲痛數年後語及父在日事或見父手澤即歔歔泣下邑令孫公贈聯語褒美焉

胡景銓字念修邑庠生孝性友妻劉氏割股愈母疾景銓事季父一如父教諸弟子姪嚴正有方一門六十口數十年無詬誶聲生員觀光其次子也行悉肖其父

韓太和家貧父母亡太和鬻餅養家餅每熟必先奉兄太乙然後鬻遇太乙於途必側

立拱手以俟其過嘗語人曰吾上有二兄皆不幸早逝吾父母所最繫念者惟吾三兄吾敬三兄亦以慰吾親也太乙喜讀書入邑庠

孫德潤性至孝光緒二十七年邑令王公錫晉爲之傳鐫於城西門壁上曰孫孝子德潤長葛西關人幼失怙事母至孝家貧居肆市酒脯日必潔肴饌奉母食畢然後入肆或悞嘗其饌必易以進不敢以餒餘奉也母嗜飲玫瑰醪多方購致無瓶罍之恥出門雖百里暮必歸侍母母有所欲皆先意承志蓋饘粥不繼數十年日在窘鄉而母不知母歿痛不欲生廬墓經年然後返孝子無奇才異能而鄉人化之多改行爲孝者匪僻流蕩不敢令孝子知年七十三卒子一孝先早亡孀媳撫一孫

楊錦濤字雲谷邑庠生靈寶訓導燮堂子也爲人孝友質直本生父甲林有子二錦濤潤堃燮堂無子命錦濤嗣焉潤堃隨甲林居河朔涪縣錦濤隨燮堂居靈寶訓導署後燮堂去任旋里卒錦濤營葬畢念生身之父天各一方有愧子職遂赴涪迎父歸曲盡孝道有老萊戲彩之誠父歿喪葬俱一身任之宣統三年邑人公立主善局錦

長葛縣志

卷九

五十

濤勞怨不避提倡尤力平日喜作詩著有聊齋詩集八卷鳳雛仙館詩集二卷

孟昭鈺字岷崖性孝友繼母徐氏遭疾醫罔效昭鈺憂思禱於神病乃瘥弟昭銘疾篤昭鈺親嘗其糞曰殆哉次日卒昭鈺悲弟成疾又九日亦卒

劉文祥字定菴幼穎悟髫齡貫通五經凡所難解之處輒若宿悟長通韻學詩經叶音悉辨正無訛初應童子試即列前茅數奇穎隱絕意進取著作多散佚惟有陘山寨序

張光三字翰臣邑庠生性穎悟早歲入庠旋食餼品學兼優立志高尚人世之欣羨名利之徵遂潛如也流貫經史尤喜周易以易爲寡過之書引而伸之觸類而長之則每一爻皆有當於吾日用之間手批周易一部所言多前儒所未發年七十三而歿許春霖字兩亭城西塚楊人本省陸軍學校畢業生充本縣保衛團排長時盜賊如麻多勾結兵官魚肉鄉民春霖以梓桑壞爛常致義憤每擊賊奮不顧身士民深頌譽之長官牛某惡其賢陰伏土匪暗處令春霖出攻遂爲匪陷身斃聞者莫不酸鼻嗣

縣長秦德琮察其冤詳于督軍趙倜給卹金一千元此民國九年事也

人物闕訪

叙曰舊志邈遠文獻墜落先賢事實往往泯滅不彰僅見名氏于他鄉異縣之職官表中今欲完俱則書闕有間考証無從歲月既淹傳聞亦失欲依時闌入而不成傳體若竟刪除則並此崖略不存後人雖欲考求無所憑藉茲仿章實齋永清縣志例別為闕訪一門惟章書仍為列傳此則僅具姓氏官爵編為表譜以殿列傳云爾

宋

孫榮資政殿學士

明

李贊成化間官大寧都司保定右衛經歷司經歷邑南關小郭莊之陽有贊為其父鍾所立之誥封碑在焉贊與其父俱葬於此

朱興旺北京東城兵馬指揮

長葛縣志

卷九

五十一

哈新民舉儒士官御史

葉九祖任江西道僉事

唐吳舉秀才績溪知縣刑部員外郎

李志道舉儒士鎮江府知府官至御史

彭懿舉儒士

趙克明由人材山西按察司僉事

哈民安新民子舉儒士工科給事中

辛志善任山東齊東縣知縣

陳敬任山西聞喜縣縣丞

劉濟任大名府南樂縣典史

劉敏任山西夏縣知縣

胡通任陝西平涼府倉大使

楊榮任陝西茶馬司副使

關英任山東巡檢

李浩任直隸故城典史

清

褚瀏字其清乾隆庚辰科舉人署理固始縣訓導居會河鎮

陳允文乾隆丁卯科舉人署理汝州學正

顧玉書乾隆己酉舉人庚戌科聯捷進士歷任山西翼城太平直隸欒城河間等縣知縣所至俱有政聲文名卓著

劉湜乾隆丙子科舉人任舞陽縣教諭

胡殿揚乾隆甲寅科舉人選授郟縣訓導

喬明揚字顯亭號凌閣邑西喬家黃人廩貢生嘉慶間任西城兵馬司副指揮歷署南
北東中等城副指揮使事誥授奉直大夫致仕後與童二樹鄭板橋相往還歌詠贈

長葛縣志

卷九

五十二

答以適志著有雪泥鴻爪醫方集要均未梓

顧世燾嘉慶丁卯科舉人特授湖北遠安縣知縣咨調四川慶符縣知縣俱有政聲
李應運嘉慶間庠生任湖南直隸柳州吏目

路城廩貢生歷署鄧州訓導通許光山等縣教諭

郭宏昌陝西渭南縣典史

王錫智任登封縣訓導

田光輝貢生任滎陽縣教諭

田方渠恩貢生任伊陽縣教諭

喬庭芝廩貢生署光州息縣訓導升署汜水縣教諭

趙榮庚咸豐乙未科副榜選授睢州訓導

鄭蘭芝清同治間千總

楊丙昌原名錫眉字介頤號竹洲歲貢生選授濬縣訓導嗣升唐縣教諭端莊和平寨

言笑子二長變堂附貢生署靈寶縣訓導次甲林太學生以侄佩璋貴地贈光祿大夫

鄭紹康字又成邑石固人光緒乙酉拔貢江西試用知縣性寬厚教育子姪俾各成立一門競爽弟憲康字叶成光緒丁酉科舉人子鳴珩陝西督署副官長姪鳴珩河南醫院院長鳴琪衛生隊長

王受祜從九署湖北荊州府監利縣分鹽所巡檢

王文煥壬寅科舉人甲辰科進士湖北省石首縣知縣

牛凌漢廩貢生選授考城縣教諭

張修齡歲貢生選授汝寧府上蔡縣訓導

陳守愚恩貢生選授商水縣教諭

楊效三字紹勳邑增生任雲南霑益州吏目

胡應三丁酉科拔貢選授內黃縣教諭

長葛縣志

卷九

五十三

陳正矩歲貢生選授葉縣訓導淑聖保陳密村人

李榮先歲貢生選授靈寶縣訓導

牛拱辰字星環監生清光緒間例捐典史署理安徽廣德州杭村鎮巡檢時亢旱田禾盡稿拱辰下車即虔誠禱雨次日甘霖普降歲則大熟鎮人德之贈匾牌致頌惜遭痰疾在任未久卒

張鳳岐字鳴周邑西南石固人由附貢生選授西平縣教諭光緒三十二年苗匪金聲倡亂西平遂平蹂躪尤甚肅清後官府勾治黨羽道憲朱公委其查辦多所平反

胡光華曲阜奎文閣典籍

段普照邑廩生選授確山縣教諭

李慕馮滇南吏目

李 焯雲南安寧州吏目

王炳章浙江試用縣丞

武金麗恩貢生安徽直隸州州判署理潁州府阜陽縣訓導

袁景清清武衛中軍巡防又委署固關營非陞縣汛把總歷充長葛中牟項城等縣隊官

宋行慈前清縣丞歷任新鄭太康登封等縣警務長廣西南寧縣警察廳代理警佐

張蔚勳由保定軍官學校畢業任陝西督軍府副官職少校

張定勳宣統己酉科拔貢任京師教育部圖書館職
王晉昌清宣統己酉科拔貢歷任江蘇吳縣檢查廳廳長鎮江府檢查廳檢查官丹徒縣檢查廳廳長

陳浩然字欽孟邑廩生山西試用典史倭貫羣日本軍士學校業業現充東北軍十四旅旅長晉級中將

張雲瑞歲貢生歷任禹魯等縣巡官

鍾廉敬邑庠生曾任本縣警務長現充京師衆議院衛隊隊長

長葛縣志

卷九

五十四

王文章歷任長葛澠池巡警官署郟城武陟等縣警察所所長

陳宗恕曾任建國軍第三混成旅參謀長

楊青山國民二軍四師四團一營營長

附錄剃髮匠羅漢事

清王士禎池北偶談卷二十五談異六云米紫來漢雲知長葛縣時有剃髮待詔名羅漢者家衛輝貌甚寢一日方剃髮米家僮有吹笛者羅忽曰誤矣命作一弄甚妙又令吹笙曰必和胡琴方可明日自製胡琴將來吹之迥異凡調米素善南曲因與究極音律雖吳中曲師不能過也時癸丑會試舉人題傳至長葛其孟子題則盡其心者一節米以其難羅漢爲開發傳注名理燦然又曰此章與宗門某某公案相發因引諸學宿語錄如翻水米益奇之扣其所學頗記唐人詩數百篇亦曉篆隸自言有母妹在河北因辭公去當復來一別竟往五台不歸矣後亦竟不至焉